



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinæ, 1603

Vita S. Liborii Ecclesiae Cenomancae Præsulis Quinti; ex ea quæ est optima fide apud V. P. Laur. Surium: quo tempore obierit patet infrà.

urn:nbn:de:hbz:466:1-42728

*felicitissime
vitarum.*

Sed antè lucem à discipulis collectus, eorum
singulari diligentia recreatus, in vicum lepro-
forum perductus est; vbi post dies septem è cor-
poris ergastulo lætus ad cęlestis patrię regnum
feliciter commigrauit, postquàm Ecclesiam illam
annis octo & viginti, mense vno & diebus
quatuor, inter varia certamina inexhaustis la-
boribus administrasset.

VITA S. LIBORII ECCLESIAE

*Fide Notat.
C. Baron. in
Martyrolog.
Roman.
23. Iulij.
Patria eius.*

*Cenomanicę Prasulis Quinti; ex ea quę est op-
tima fide apud V. P. Laur. Surium: quo tempo-
re obierit patet infra.*

*Qualis in se-
culis extitit
seculari.*

S Liborius ex Gallis originem ducens, &
parentum haud ignobili ortus profapia,
clarissimam patriam suorum claritudi-
ne meritorum amplius illustrauit. Siquidem
ab ætate primæua, maturum in bonis actibus
cor gerebat; neque illecebris voluptatum car-
naliū, vt ætati lubricę moris est, animo ce-
dens, neque vitio leuitatis indulgens: Porro
flagrantissimo discendi accensus studio, cur-
suum ferè sibi vtilium scientiam scriptura-
rum satagebat intentus auditor acquirere: quæ
postmodum, in quibus opus esset, valeret facun-
dus præceptor ingerere. Denique simul cum
processu temporis, probitatis ac prudentiæ
proficiens incrementis, ita in breui maturita-
tem virilis ornabat ætatis, vt acceptus apud om-
nes, & tam honore, quàm amore dignus habe-
retur.

*Qualis in Ec-
clesiastico.*

Postquàm autem tam vitam quam habitum
secularem cęlestium præmiorum intuitu dere-
liquit,

liquit, & verè à Domino in suam electus sortem, Clero associatus, ac officijs est functus ecclesiasticis, amplius totum se diuino cultui visus est mancipare: vnde Patauio viro sanctissimo Cenomanorum Antistite, omnium ingentis acerore è viuis sublato, totius populi vnanimi assensu, regulariter Pontifex ordinatus, ad Ecclesiæ Christi regimen, iuxta morem Canonicum assumptus est. Et quidem haud illum tantæ dignitatis honores, solitæ religionis mutare potuere mores, nec ecclesiasticorû occupatio-

Creatur Cenomanorum Antistes.

nes negotiorum quicquam ex quotidiana diuina laudis & placationis seruitute prætermittere cogere: quinimò tantò eam instantiùs adaugere curauit, quanto iam non suæ solius, sed multarum animarum salutis causa rectè se viuere debere sciebat.

Igitur pius egregius Dominici pastor, commissis sibi ouibus adhibita cura duplici, exhortationibus scilicet & exemplis, iter ad æternæ vitæ pabula quærenda, & spiritualium morborum dira contagia vitanda, demonstrans, eximium ex eis lucrum acquisiuit: multos enim ab iniquitate conuertit, & rectitudini vitæ fideique restituit. Habuit hoc vir sanctus præ cæteris tum temporis Pontificibus, religionis & Dei amoris indicium speciale; quòd omnia, quæ ad eius laudem iugiter celebrandam, & ecclesiastici cultus officium pertinent, totis nisibus amplificare, prouehere, atque ornare contendit: & exceptis his, quæ sibi suisque ad quotidiani victus & vestitus necessaria, quibus solis contentus erat, vix sufficere poterant, nec non & his, quæ ad egentium & inopum sustentationem

Qualis in Episcopatu.

Diuini cultus studiosissimus.

stentationem larga manu solebat expendere reliquos omnes redditus Episcopaliū possessionum, omnes quarumlibet rerum census, quos sibi ex omni sua dicecesi debebantur, vel si qui ex fidelium donationibus conferebatur, ad exhibendum ecclesijs congruentem ornatum, & noua quæque oratoria in locis, quæ ad hoc opportuna videbantur, construenda deputauit. Quorum constructionem, primū diuinæ seruitutis multiplicandæ intuitu aggrediebatur; dehinc etiam plebium commoditati pariter & salutis prospicere piè meditabatur; vt ad ecclesias cum suis sacerdotibus propè positas facili confluere, orationum studijs assuescere, regenerationis gratiam consequi; documenta sacra legis audire, cælestium sacramentorum celebrationibus interesse, atque omnia Christianæ legis & religionis iura discere & exercere valerent. Hac igitur pia intentione decem & septem sacris ædibus nouiter constructis & dedicatis, suam parochiam ita omnem illustrauit, vt in qualibet eius parte populo degentis aliquam orationis domum vicinam esse constitueret: obseruandum verò omnino censuit, ne quod ibidem legitimis horis die noctuque sacrorum intermissio fieret officiorum; quibus sanctæ & indiuiduæ Trinitati debitæ gratiarum actiones & laudes referrentur.

*Septendecim
ædificat basilicas.*

Ordinationes eius.

Legitur fecisse Ordinationes nonaginta & sex; Ordinasse verò presbyteros ducentos decem & septem; Diaconos centum septuaginta sex; Subdiaconos nonaginta tres; reliquorum quoque graduum ministros, quantum sacris officijs congruum & sufficiens esse videbat. Habuit

huius prætereà bonum testimonium etiã ab his, qui foris sunt: sic siquidem religionis constantiam antè Deum seruabat, vt tamen proximorum oculos non offenderet: sic humano foris studebat placere iudicio, vt diuinis obtutibus non displiceret in occulto. Ita per omnia verus Dei cultor illi merito Pontifici comparatur, quem sine querela Domino seruijsse euangelica laudat historia: nisi quòd hic tanto præstantioris fuerit sacerdotij præsul, quanto figuram veritas, quanto legem veterè noua Christi gratia transcendit.

Lucas 9.

Cùm autem diuinæ maiestati complacuit, post tam diuturna tot annorum certamina, victorem hostis antiqui militem suum æterno præmio glorificare, anno quinquagesimo Episcopatus sui corporis eum molestia ita fatigari permisit, vt adesse sibi diem exitus sui non dubitaret: quo tempore S. Martinus Episcopus Turonensem regebat Ecclesiam. Cui inter illa, quibus assiduè frui solebat, Angelicæ colloca- tionis mysteria, etiam hoc ex diuina reuelatione præceptum est, vt sanctum hunc in infirmitate positum visitaret: cui obtemperans atq; urbem Cenomanicam ingressus inuenit beatũ præsulem iam in extremis positum, & cælesti tantum gaudio, quo iturus erat intentum. Hic verò quis dignè posset referre, quanta ab eodẽ lætitia susceptus sit? quam diuina, quam spiritalia, quam cælestia fuerint eorum colloquia?

*Diuturnitas
eius Episco-
patus.*

*Claruit is
sanctissimus
Pontifex an-
no 386. &c.
Iuxta Tom.
4. Annal.
Baronij.
Eius vitam
habet lector
ii. Nouemb.
Visitatur à S.
Martino S.
Liborini.*

Igitur sacer Antistes, præsentè sibi tanto consolatore, suarumque exequiarum prouisore, solutus mortalitatis vinculis lætus ad regna cæ-
lorum

*Moritur feli-
citer beatif-
simus Præ-
sul.*

lorum conscendit. Cuius venerabile corpus S. Martinus cum honore congruo ad Ecclesiam extra urbem duodecim Apostolis sacram dicitur & in ea sepeliri iussit. Sequenti verò die populum omnem, qui ad tanti viri exequias copiosus nimis & innumerabilis conuenerat, ad internum amorem erga pastorem suum largissimis lachrymarum fontibus testabatur in Ecclesiam conuocans, sanctæ admonitionibus doctrinæ consolabatur, eisque Victurium ordinauit Episcopum. Porro anno salutis 836. Indictione 14. Ludouici Imperat. 23. sacræ eius reliquiæ Paderbornam fuere translatae: eximijis itineris glorificatae miraculis; curationib. quippe cæcorum, claudorum, mutorum, surdorum, dæmoniacorum, & aliorum debiliū atq; languentium: quæ etiamnum apud venerandū eius tumulum sæpius ostenduntur.

*Victurium
eius succes-
sor.*

*Præclaris co-
ruscant mira-
culis.*

VITA S. BIRGITTAE, ALIAS BRIGITTA, vidua. Ex ea quæ sincerè conscripta habetur apud V. P. Lauren. Surium, teste Baronio. Obijt autem anno Domini 1373. Relata in numerum Sanctorum, à Bonifacio nono, Summo Pontifice.

*23. Iulij.
illustri
eius Prosapia
in Suedia.*

S Birgitta, illustri admodum prosapia in regno Suediæ oriunda, non modò parentes; sed & auos, proauos, abauosq; ea habuit pietate & religione cōspicuos, vt exemplo Abrahæ aliorumq; priscorū patrū, quamuis diuitijs abundarēt, vitæ tamē cōuersatione veros se in hac terra peregrinos declararēt. Patri Birgerus nomen fuit; matri verò Sigridis; cuius regio